

Stankis man tēnti schis emprīkisints malnij-
kiks en swaiai pērgimie/empoliūgu grīku/en mat-
tei kaigij gi mes erdērkts/bhe nistūstints ast/stesse-
paggan tans dūgi/steison prābutšan gallan/bhe
perklantisnan bōūt bhe polāikt turrilai. Teinu ad
der/Deiws Ēāws wissas etnīstis/bhe engraudisnas
swaian Sōūnon Christon/steismu gāntsān switans/
bhe tit dūgi steimans malnijkamans/nī massais
Eai steimans vremmans/potaukinnons bhe perteng
ginnons ast/ka wijs dūgi/stesse gāntsas switas
grīkans ast pūdauns/bhe stans gurinans malnij
kikans/ainarwīdai titet/Eai stans vrans/esse grī-
kans/Gallan/bhe perklantisnan, isrankiuns bhe
deiwūtai potickinnuns/bhe polaipinnons kāidi ten-
nans preidin perpīdai/Eai stai absignātai postanai.

Stessepaggan pastolle bhe madli as wans/
wissans/quai ious schai empijint estei is Crixtiani
skun miylan/bhe auschaudisnan/Eai ious stūna-
wingisku prei siru immati/bhe sen seilin pomūrit
quoitēti en Kawīdsu debīkān powargennien/bhe
nautien, schis malnijkiks/swatis preigimnis/bhe
pērgimnis paggan embaddusisi. Sen isspressen-
nien/Eai tāns ast/ains malnijks steisan grīkan/stei-
ses nierties/bhe nieteistis/bhe Eai stesmu nimassi
Eittarwidin pogalbton bōūc/ter Eai tans prastan
Crixtisnan is Deiwan nauntagimton/bhe esse Dei-
wan/en ainassei malnijkas deicton esse nouson
Rikjas Jhesu Christi pausan enūnts postānai.